

Schneller Höcher Wiiter

(Musik: T. Garcia/ Text: T. Garcia, M. Garcia)

Du wirsch gebore,
du besch neu e dere Welt,
scho wird der gseit
was alles chonnt und goht
und was du sötisch mache, mache sötsch no vel,
so vel, mache, mache, mache sötsch no vel

Den lehrsch laufe,
alles lauft vo selber,
Chindergarte, Schuel,
e frächi Schnorre, paar uf's Muul
und denn go lehre, lehre muesch no vel,
so vel, lehre, lehre bügge muesch no vel

Und je länger desto meh ggesch wie das Läbe goht
Es länget ned för de wo nome omestoht
Du muesch seckle das es länget, doch du besch emmer z'spoht,
doch du wotsch meh

Emmer schneller höher wiiter
eifach besser schöner gschiiter (Yauu!)

Und denn die erschti grossi Liebi,
Händli hebe, erschte Kuss,
s'erschte Mol, chonnt alles schneller
als du denksch und scho esch schluss,
de erschti Suff macht di fertig,
doch am Endi, Endi, Endi besch no lang ned

Jetzt fot's ersch a, besch us de Lehr
Lieber bläche als es Gwehr
Du fühl'sch di frei für'ne Moment,
doch merksch das d'Ziit scho weder drängt,
s'wird alles z'vel, so vel,
schaffe, schaffe, zahle muesch no vel

Und je länger desto meh ggesch wie das Läbe goht
Es länget ned för de wo nome omestoht
Du muesch seckle das es länget, doch du besch emmer z'spoht,
doch du wotsch meh

Emmer schneller höher wiiter
eifach besser schöner gschiiter (Yauu!)